

IN OBITU


MARCELLI
SACCHETTI

S. M. D. N. DEPOSITARII GEN.

ELEGIA

FRANCISCI ROSSERMINI PISANI

I. V. AC SACRÆ THEOL. DOCT.



ROME, Ex Typographia Francisci Corbelletti. MDCXXIX.
SUPERIORVM PERMISSV.

Sumptibus Ioannis Francisci Pierj.

M A R C E L L I
IN OBITU
Imprimatur, si videbitur Reuerendiss. P. Magistro Sacri Pa-
latij Apostolici.

A. Episc. Bellicastren. Vicesg. IM. 2

Imprimatur.

Fr. Antoninus Cellius Magister, & Reuerendiss. P. Fr. Nicolai
Riccardij Sacri Palatij Apost. Magistri Socius, Ord. Præd.



ROME. Ex Typographia Francisci Compagno. MDCCXII.

SVPERIORVM LIBRARIIS.

Scilicet in Libreria Principis.

ILLVSTRISS. PRINCIPI
IVLIO CARD.
SACCHETTO

FERRARIAE LEGATO.

FRANCISCVS ROSSERMINVS F.



NEQVIT intra humani pe-
 ctoris angustias ita coërceri
 dolor immensus, Princeps
 Illustrissime, vt aliquando
 tandem non prodeat, atque
 erumpat in publicum. Ego
 quidem nuperrimè ex obi-
 tu Francisci Ricciardi Auunculi mei, viriq. op-
 timè de me meriti, tibiq. addictissimi pluri-
 mum percepi mœroris: sed audita demùm eo-
 dem penè tempore Marcelli fratris tui morte,
 & accessione facta tam flebili supra quam dici
 possit tristatus sum, atque in lugubria hæc Car-
 mina, quia ab occupato iam pectore capi om-

ninò non poterat, repente nouus dolor redun-
dauit. Et sanè par erat in Fratre tuo lugendo
communem à me excedi modum, quando &
ille iam viuens in me iuuando (quod est

Verus amor) nullum nouit habere modum.

En igitur ad te recurrit canorus hic dolor,
quia, cum omnium quidem, sed tuam in pri-
mis conqueratur iacturam, vni tibi peculiari
etiam iure debetur. Et quoniam, cum meo
emergat è pectore, non aliò, quàm ad huma-
nitatem tuam scit propèrare, à qua, vt sæpe
olim in meis molestijs, ità nunc (nam grauius,
quàm æquum sit, nulla vnquam re commoue-
ris) solatium sperat vel in tuis. Excipe hunc
ipse, qua cætera soles, beneuolentia, nec versus,
licet incultos, ac rudes, aspernare, memor ni-
hil vnquam à luctu cultum, aut elegans proue-
nire. Vale.

ELEGIA.



VLTISON IS. *assueti*
modis iam guttura Syren
Sotue age in infaustum, fu-
nerumq. melos,
Velle & inaurata rutilos à
fronte capillos,
Pulcrâq. sollicita pectora
tunde manu:

Heu iacet ille tuus, iacet heu gratissimus hospes
 Marcellus, Romæ pignus, Amorq. iacet.
 Ecce gemit queruli Sebethus murmure fluctus,
 Et, quas urna dabat, lumine fundit aquas,
 En & Pausylipum curas abducere suetum
 Nunc procul à se se gaudia sola fugat.
 Praue humor, corrupte humor, tu carmina poscis?
 Tristia, tu nobis funera tanta paris,
 Viuida membrorum Marcelli in corpore virtus
 Per te par trunco reddita nempe fuit,
 Ipse illi argenti texisti lumina velo,
 Ante diem ut raperes inuidiose dies,
 Neue insectantis fugeret vestigia mortis,
 Ausus es arcano stringere vecte pedes,

Ipse

Ipse quoque audiri vetuisti verba, sonosq.
 Tabificum gignens aure in utraque gelu.
 Proh dolor! Ergo aures, dudum patuere benignè
 Quæ semper popularis, obriguisset queant?
 Illane torpescant miserè vestigia, quæ mox
 Tam citâ Romulidum ad commoda fecit amor?
 Siccine crudelis concludat lumina morbus,
 Lumina, quæ nequijt claudere sæpe quies?
 Quæque etiam ingenio iam prospectura sagaci
 Nouimus egregijs inuigilasse libris.
 Ecce Machaonij concurrat turba Senatus
 Doctior, extremis consuliturq. malis,
 Atq. animus Marcelle tuus, dum corpora languent,
 Firmior est, damnis erigiturq. magis,
 Ac, siue ingratis portentur pocula succis
 Plena, ingrata licet, pocula plena bibis,
 Seu, iuuat attingi ferro si corpus, et igne,
 Attingi ferro corpus, et igne sinis.
 Sic tandem exiguum præbet medicina leuamen,
 In sua paulatim membra reditque vigor.
 O quibus hoc animis agnouit Roma, noueq.
 Foelix letitiæ qualia signa dedit?
 Nauta procellosi vexatus ab Aequoris undis,
 Stella ubi pacatum spondet amica salum,
 Non

Non ità post imbres , tempestatesq. minaces
 Spem desperatæ gestit adesse rati :
 Vt sua Rómule monstrarunt gaudia gentes ,
 Gaudia post luctus ab repetita graues ;
 Scilicet extemplò faustissimus undique plausus
 Exoritur , populi risus in ore micat ,
 Plenior utque salus reddatur ab Axe , salutis
 Auctori dantur vota , precesq. Deo .
 Interea linquens urbis Marcelle Latine
 Moenia , Parthenopes regna beata petis ,
 O ibi quàm miti spirat Clementia Coelo ,
 O ibi quæ virtus indita regnat aquis ?
 Vbertas ò qualis agris , quæ gratia syluis
 Semper inest , quantus floret ubique lepos ?
 Elysios transfers aliò cur fabula Campos ?
 Certè , usquam si sint , his decet esse locis .
 Sed nihil heu fontes , Baianaq. lympba valetis ,
 Ipsaq. foelicis nil iuuat aura Poli ;
 Cuncta lues spernit , viresque , artesque salubres
 Vincere , & ingenium Præonis illa potest :
 Quin etiam extemplò morbo grassata maligno
 Perdere Marcellum mors inimica parat .
 Audijt hoc , moestoque ciens suspiria corde
 Ausonia infandos fudit ab ore modos .

Iacturamque simul placidi gemit ille Patroni,
 Ille & amicitiae pignora grata gemit.
 Hi sibi consilium, columen sibi dulce sinistris
 Flent illi in rebus, praesidiumq. rapi:
 Commoda deplorant miseri, sua praemia & Artes,
 Ac rarum virtus, nobilitasq. decus;
 Ipse etiam VRBANVS triplicis Rex Inclutus Orbis
 Conqueritur cari certa pericla viri,
 Consulit atque animae sublata à crimine poena,
 Quandoquidem vitæ consuluisse nequit.
 Tu tamen heu tandem langues Marcelle, nec Vrbi
 Ausoniae incolumis restituende peris,
 Ergo peris, dulces nequijsti & cernere amicos?
 Ergo peris, Fratres Astraq. adesse vetant?
 Ah saltem nostris licuisset claudere in oris
 Lumina, & extremum dicere voce vale:
 Vidisses sic ipse virum per lumina fletus,
 Sensisses tristes corde gemente sonos,
 Totaque, cum feretro Sacram vehereris ad urnam,
 Agmine cum magno Roma sequut a foret;
 Sed fera sors vetuit. Verum vetet impia quamuis,
 Non tamen in Tumulo postmodo solus eris,
 Sed nullos mens grata hominum abscessura per annos
 Hic memor extremos vivet ad usque dies.